

Boinotšing



SABATHA MANTSIBOEA

Bakeng sa thuto ea Beke ena, Bala:

Moek. 4:9–12, Ba-Fil. 4:11–13, 1 Ba-Kor. 7:25–34, Matt. 19:8, Gen. 37:34, Esa. 54:5.

Temana ea Khopolo:

“Eaba Jehova Molimo o re: Ha ho molemo hoba motho a lule a ‘notši. Ke tla mo etsetsa molekane ea tšoanang le eena.” (Genese 2:18).

Pale e ‘ngoe e hapang maikutlo feela e le bohloko e kile ea hlahella litabeng lilemong tse fetileng. Mosetsana e monyenyanane o ile a fumanoa a shoete katlung eo a lulang ho eona. Leha lefu leo le ne le le bohloko ka bo lona, se neng se utloisa bohloko ka ho fetisisa ke hore mosali eo o ne a ile a shoa lilemo tse 10 pele a ka fumanoa. Lilemo tse leshome! Ha ho le joalo, potso eo batho ba neng ba e botsa, ‘me ka nepo, e ne e le hore: Ke joang toropong e kholo joalo ka ee, e nang le batho ba bangata, e nang le mekhoha e mengata ea ho fetisa litaba, mosali eo e neng e se mokoao, a ka shoang nako e telele ha kaalo e be ha ho motho ea tsebang? Leha e fetelese haholo, pale ena ke mohlala oa bophelo: batho ba bangata ba jeoa ke bolutu. Ka 2016, [pampiri ea litaba] The New Times e kile a phatlalatsa taba eo sehlooho sa eona e neng e le “Bafuputsi ba Toba Seo sa Bolutu.” Bothata bona ehlile bo ea phela.

Ho tloha sethathong, rona re le batho ha rea lokela ho ba bang. Ho tloha Edene ho ea pele, re ne re lokela ho phela ka setsoalle le batho ‘moho le rona ho fihlela boemong bo bong kapa bo bong bosele. Ehlile, sebe se ile sa kena, ‘me ha ho na ntho e lokileng ho tloha nakong eo. Bekeng ena re tla talima taba ea ho ba le batho ba bang le bolutu ka linako tse fapaneng tsa bophelo boo, mohlomong, kaofela ha rona mothating o mong re kileng ra tobana le bona. Haeba ho se joalo, u ipale u le ea lehlohonolo.

**Ihute thuto ea beke ena ho lokisetsa Sabatha sa la 27 'Mesa.*

Ho Ba 'Moho

Bala Moekeslesia 4:9–12. Taba ea mantlha ke e fe moo? E bua ka tšiea e fe ea bophelo ka kakaretso?

Ke ba fokolang ba rona ba ka atlehang ba le bang. Le haeba re le bo motoai-toai 'me re ithatela ho ba bang, kamorá nako ha re batle feela ho ba le batho empa re ka 'na ra ho hloka, haholo nakong ea bohloki. Kannete re etselitsoe ho ba 'moho, ho ba le setsoalle. Ho lehlohonolo ba nang le litho tsa lelapa tse haufi tse ka ba fang khothatso le tšebetso, haholo nakong ea bohloki. Ka bomalimabe, ho na le batho ka kerekeng ea rona, moo re sebetsang, metseng eo re phelang ho eona, bao se nang mang oe, e seng feela nakong ea bohloki, empa le bakeng sa puisano feela ha le rapama. Moelelo ona oa bolutu o ka tla nako e fe kapa e fe. “letsatsi le boima ka ho fetisisa bakeng sa ka,” ho bolela lesooa, “ke Sontaha. Hará beke ke pota-potiloe ke batho mosebetsing. Ka Sabatha ke bona batho kerekeng. Empa Sontaha ke inotši..”

Re ka ithuta litšiea li fe litemaneng tse latelang, haholo haeba re feta nakong ea bolutu? Johanne 16:32, 33; Ba-Fil. 4:11–13.

E, re le Bakreste ha re na feela le bonnete ba Molimo empa hape re na le bonnete ba ho tseba ho kopana le Molimo. 'Me re ka fumana khothatso bohaufing ba Molimo ho rona. Empa bohaufi ba Molimo ho Adama le Eva ha bo ea ka ba thibela Jehova hore a se ke a re “‘Ha ho molemo hore motho a lule a ‘notši’” (Gen. 2:18). Ka mokhoa o joalo, Molimo o ne o tseba hore Adama, leha a na le kopano le Molimo lefatšeng le sa senngoang ke sebe, u ne a ntse a hloka ho ba le batho. Rona bohle re e hloka ha ka kang ha ho le joalo. Empa re lokela ho ba hlokolosi, le teng, hore re se akanye hore ka hobane feela batho ba bangata ba le teng, motho a ka se be bolutung. Ba bang ba batho ba bolutung ka ho fetisisa ba phela litoropong tse kholo moo ba atisang ho kopana le ba bang. Ho ba hará 'mele e mengata ha ho bolele hore motho a ka se ikutloe a le bolutu 'me a le thoko a le bohloking ba kopano ea setsoalle.

Ha ho bonolo kamehla ho tseba na ke mang ea bolutung, ea thoko, ea nennoeng, kapa ea bohlokgong ea hlokgang motho e mong, eo a ka buang le eena, haeba ho se ho hong hosele. Ke joang u ka batla ho ba hlokolosi ho batho ba joalo le pele u ka tseba na ke ba fe?

Bosooa

Moroetsana e mong o kile a bolela ka melemo ea ho nyaloa: “Ke ile ka ba le menyetla e ‘meli ea ho ea sebetsa boevangeling, ‘me ke ile ka arabela ntle ho tika-tiko.” Motho ea nyetseng ea nang le lelapa, o na ka ‘na a hloka ho nka nakoana e nyane ho feta moo hore a etse qeto hobane ha e ame eena feela empa molekane oa hae le bana.

Ho latela Pauluse, mabaka a molemo a ho se nyale ke a fe? 1 Ba-Kor. 7:25–34.

Batho ba bangata ba nahana hoba ho nyala ke thato ea Molimo bakeng sa bona. Na ha a ka a re, “‘ha ho molemo hore motho a lule a ‘notši?’” Feela re na le mehlala e mengata ea batho ba sa kang ba nyala ka Bibeleng, ho kenyellelitse mohlala oa bohle o moholo ka ho fetisisa, Jesu Kreste. Jeremia o ile a bolelloa hore a se nyale (Jer. 16:1–3); e ne e le mabaka a ipapisitseng la maemo a nalane. Ha re tsebe haeba thibelo eo e ile ea tlosoa, empa ho hlakile hore Jeremia e ne le moporofeta ea moholo bosooeng ba hae.

Le Ezekiele, boemong ba hae ba lenyalo bo ne bo sa bonahale e le ba bohlokoa haholo, leha mosali oa hae a ile a shoa ka sekhahla. Ha a ka a lumelloa le le ho siama empa o ne a lokela ho tsoela pele ka thomo eo Jehova a ná mo file eona (Ezek. 24:15–18). Moporofeta Hosea o ile a ba le boiphihlelo ba lenyalo le choatlehileng, empa a ‘na a tseba ho tsoela pele ka thomo. Leha pale ena e bonahala e le e makatsang ho rona, Molimo o ile oa laela Hosea ho ea nyala seotsoa seo Molimo a ná ntsa tseba hore se tlo mo siea se ikele le banna ba bang basele (Hosea 1–3). Ha re hetla morao, re bona Molimo a leka ho bontša lerato le lehlakore le leng leo a nang le lona ho Israele le ho rona, empa ho tlameha ho ne ho le boima haholo ho Hosea ho ba thuto.

Mohlaleng ka mong mona, boemo ba lenyalo e ne e se taba. Molimo o ne o thahaselletse botšepahi ba motho, kutlo, le matla a ho bolela seo Molimo o no batla a se bolele. Re lokela ho ba le bonnete ba hore bophelo ba rona ha bo hlahosoe ke boemo ba rona ba lenyalo. Batho ba bangata kajeno ba tla re bolella hore ha feela re sa nyala ha rea fella. Pauluse o ne a tla araba ka hore, “Le se ke la ipapisa le lefatše.” Empa, “Le o beele ‘mele ea lona, e be sehlabelo se phelang, se halalelang se khahlisang” (Ba-Roma 12:1, 2).

Ke litsela li fe tse sebetsehang tseo u ka sebeletsang ba sa nyalang, e le litho tsa kereke le bao e seng litho ka bobeli?

Ha Lenyalo le Fela

Hará litsela tsohle tseo ka tsona sebe se sentseng botho, kathoko ho tlhokofalo ea 'mele le lefu, ke eng e tobaneng le litholoana tse nyotobetsang tsa sebe ho feta lelapa? Ke hoo e kang poleloana ena, "Lelapa le loebelmaneng" ha e sa sebetsa ho lekana. Ke lelapa le fe le sa loebelmanang, ho fihlela boemong bo itseng? Kathoko ho lefu, e 'ngoe ea lintho tse thata ka ho fetisisa eo lelapa le ka tobanang le eona ke tlhalo. Batho ba fetang hará boiphihlelo bona bo tšabehang maikutlo a bona a ea farasa. Ka mohlomong ba pele ke tšiamo, eo ho ea ka motho ka mong, e ka nkang likhoeli tse 'maloa ho fihlela lilemo tse 'maloa ka botebo bo fapaneng. Ba bang ba ka ba le tšabo, tšabo ea se sa tsejoeng, khathatseho ea lichelete, tšabo ea ho hloleha ho tsoela pele. Ba bang ba ka feta hará nako ea khatello ea maikutlo, khalefo, hape, e, le bona—bolutu.

Ke litšiea li fe tse pharalletseng tseo re ka li fumanang litemaneng tse latelang? Mal. 2:16; Matt. 5:31, 32; 19:8; 1 Ba-Kor. 7:11–13.

“Kereke e le setsi sa pholoso sa Krete e lokela ho sebeletsa litho tsa eona bohloking ba tsona kaofela le ho otlala e mong le e mong e le hore bohle ba tle ba hole ho fihla kholong e phethahetseng ea boiphihlelo ba Bokreste. Taba ena e tiile haholo ha litho li tobane le liqeto tsa bophelo bohle joalo ka lenyalo le maiphihlelo a hatellang maikutlo joalo ka tlhalo. Ha lenyalo la balekane ba babeli le le kotsing ea ho pshoatleha, balekane ka bobeli ba lokela ho etsa maoala ohle le ba leng ka kerekeng le lelapa ho bona hore ba tlisa poelano le kutloano ka litšiea tse halalelang tsa ho busetsa likamano tse senyehileng (Hosea 3:1–3; 1 Ba-Kor. 7:10, 11; 13:4–7; Ba-Gal. 6:1).

“Lisebelisoa tse ka thusang litho bakeng sa ho aha lelapa le matla la Bokreste li teng kerekeng kapa ka litsing tse ling tsa kereke. Lisebelisoa tsena li kenyelletsa: (1) mathathamo a rutang balekane ba belehetsaneng ba tlang ho kena lenyalong, (2) mathathamo a tataiso bakeng sa ba seng ba nyalane le malapa a bona, le (3) mathathamo a tšehetso bakeng sa malapa a choatlehileng le batho ba hlananeng ka bo mong.”—*The Seventh-day Adventist Church Manual*, 19th edition (Nampa, Idaho: Pacific Press Publishing Association, 2016), leq. 161.

Ke litsela li fe tse sebetschang hape tse sa ahloleng tseo u ka thusang motho ea fetang hara tlhalano ka tsona?

Lefu le Bolutu

Motho e mong o kil'a botsa potso: Phapano pakeng tsa batho le likhoho ke e fe mabapi le taba ea lefu? Karabo ke hore, ho fapana le likhoho, tse shoang, rona batho, ba shoang le bona, rea tseba hore re tla shoa. Likhoho ha li tsebe. 'Me ke eona tsebo ena ea lefu le tlang e amang tsela eo re phelang ka eona hona joale. Joalo ka ha bohle re tseba, likamano tsohle, ho kenyelletse le lenyalo, kamorá nako lia fela ho sera sa rona se sehoho: lefu. Ho sa natse na kopano ke e tiileng ha kae, ho sa natse lerato le leholo, setsoalle se tebileng, nako e qetiloeng hammoho, re le batho (ho fapana le likhoho) rea tseba hore lefu le tla fihla (ntle leha Jesu a ka khutla pele), 'me ha le fihla, likamano tsohle tsa rona li tla emisa. Ena ebile eona pheletso ea rona ho tloha sebeng sa pele 'me e ho tla ba joalo ho fihlela Jesu a khutla. Bible ha e re bolelle hore na ke o fe ho bobeli bona, Adama kapa Eva, ea shoeleng pele, empa ho lokela hore e be ho ne ho le bohloko haholo ho e mong, haholo hobane lefu le ne le sa lokela ho ba karolo ea bophelo ho tloha sethathong. Haeba, joalo ka ha re bone thutong ea pejana, ho shoa ha lekhasi le le leng ho ile hoa ba bakela tšiamo, ke mang e aka lekanyang hore na ba fetile boemong bo joang ka ho shoa ha molekane?

Bothata ke hore re se re tloetse lefu hoo, re seng re le nka hanyenyane. Empa le ne le sa lokela ho ba ntho eo re le batho re fetang ho eona. Kahona, le tsatsing lena, re thatafalloa ke ho le utloisisa, ha le chaea le boella, 'me ehlile rea sitoa.

Litemana tse latelang li re ruta eng ka lefu le kamoo batho ba loantšang le lona? Isa. 57:1; Tšen. 21:4; 1 Ba-Thes. 4:17, 18; Matt. 5:4; 2 Sam. 18:33; Gen. 37:34.

Ha ho potso: ha re talimane le 'nete ea ho shoa ha rona feela, empa re boela re tobana le 'nete ea ho shoa ha ba bang, ha baratua, mohlomong ha motsoalle ea haufi-ufi. Ka baka leo, kapele kapa khajana, ba bangata ba rona ba tla tobana le nako, ea bolutu bo bakiloeng ke ho shoa ha motho e mong osele. Ho thata, ho bohloko, 'me nakong tse tšoanang le tseo re ka' - me re lokela ho etsa joalo khafetsa - itšoarella ka litšepiso tsa Molimo. Haholo hobane, lefatšeng lena la sebe, tlhokofalo, le lefu, ke eng eo re nang le eona esele?

Kereke ea heno e ka thusa joang bao le tsebang hore ba bolutung ka lebaka la lefu la baratua ba bona?

Inotši Moeeng

Mosali e mocha ea bitsoang Natalie o ne a nyetsoe lilemo tse supileng ha, ka memo ea motsoalle, a etela litšebeletso tse tsoellang tsa boevangeli kerekeng ea lehae ea Baleti ba Letsatsi la Bosupa. Ka ho kholisoa ke seo a ithutileng sona, o ile a nehelana ka bophelo ba hae ho Krete, a ba le boiphihlelo ba ho tsoaloa bocha, 'me—ho sa natse ho hana ho tiileng ha monna oa hae, batsoali, le ba bohali, esita le mohaisane—Natalie ea ba setho sa Kereke ea Baleti ba Letsatsi la Bosupa. A boela a fetola tsela ea hae ea bophelo, ka hohle kamoo ho neng ho ka khoneha, ho lumellana le tumelo ea hae eo a qetang ho e fumana. Joalo ka ha e mong a ka nahana, o ile a tobana le bohanyetsi bo bongata; se neng se etsa hore ho be thata ka ho khetholloha e ne e le monna oa hae, ea neng a pheha khang, 'me ka nepo: "Sena ha se sona seo ke se tekenetseng ha re ne re nyalana. U se u fetohile motho e mocha ka ruri, 'me ke batla motho oa khale a khutle." E se e le lilemo joale, a ntse a loantšana le ho phela bophelo ba tumelo. Leha a nyetsoe, seo re ka reng o sona ke "hore o "inotši moeeng."

Re fumana mantsoe a fe a khotatso litemaneng tse latelang bakeng sa bao ba ka ikutloang ba le inotši moeeng? Esa. 54:5; Hos. 2:19, 20; Ps. 72:12.

Lefatšeng lohle, ho teng "bo Natalie"ka kerekeng ea rona. Batho bana, banna kapa basali, ba nyetse empa ba kena kereke ba le bang kapa le bana ba bona. E ka ba hore ba nyetse motho oa tumelo e fapaneng. Kapa mohlomong ha ba amohela kereke ena, balekane ba bona ha ba ka ba etsa joalo. Kapa nakong eo ba nyalaneng, e ne e le litho tsa kereke ka bobeli, empa e mong, ka lebaka le fe kapa le fe, a e tsoa, a emisa ho tla, 'me mohlomong e ka 'na eaba o sa bile a hloile tumelo ena. Banna bana le basali bana ba tla kerekeng ba le bang le lijong tsa kamorá kereke, kapa ba ea boevangeling kapa likopanong tsa setsoalle tsa kereke ba le bang. Ba koatisoa ke ho sita ho nyehela bakeng sa bosebeletsi ba kereke ka chelete kamoo ba neng ba ka rata ho etsa ka teng hobane feela molekane a sa lumele ho etsa joalo. Leha ba le lenyalong, e ka 'na eaba ba ikutloa e ka bahlolohali le mehlolo. Kaofela ha rona mohlomong, ka nako e 'ngoe kapa e itseng, re kopane le batho ba tjena ka kerekeng, 'me ba hloka lerato la rona le tšehetso.

Ke lintho li fe tse tšoarehang tseo, re le lelapa la kereke, re ka li etsang ho thusa batho ba inotši moeng ba hará rona?

Khopolo e Eketsehileng:

“Bohareng ba bophelo ba tšebetso e mahlaha-hlaha, Henoke o na lutse a buisana le Molimo ka tieo. Ha mosebetsi oa hae o ne o ngatafala le ho thatafala ho feta, lithapelo tsa hae le tsona li ne li eketsa ho tsoella le ho tiea. O ile a tsoela pele ho ikhula sechabeng ka linako tse ling. Kamorá ho lula hará batho nako e telele, a sebeletsa molemo oa bona ka taoe le ka mohlala, o ne a tla ikhula, a ke a be le nako boinotšing, a lapetse le ho nyoreloa tsebo e halalelang eo e leng Molimo feela ea ka fanang ka eona. Ka ho buisana ka mokhoa o joalo le Molimo, Henoke a ‘na a tsoela pele ho bonahatsa setšoantšo sa Molimo. Sefahleho sa hae se ne se phatsima khanya ea khalalelo, e leng eona khanya e neng e khanya sefahlehong sa Jesu. Ha khutla ho tsoa lipuisanong tse na tse halalelang, le ba sa tšabeng Molimo ba ne ba bona ho makala ho angoa ke leholimo ho sefahlehong sa hae.” — Ellen G. White, *Gospel Workers*, leq. 52. Leha pale ea Henoke mona e kothatsa e bile e na le seo e se bolelang se matla ka batho ba khethang ho ba le nako ea boikhutšo boinotšing, ba bangata ba tobana le boikhutso boo ba sa bo batleng. Ha ba batle ho ba bang. E, le teng re ka ba le nako e nyakalletseng ea puisano le Morena, ea leng teng kamehla eohle, empa ka nako tse ling re tsetselela setsoalle le kopano le batho. Ho bohlokoa ha ka kang hore, re le kereke, ho fihlela bao e ka bang ba lutse pel’a rona beke le beke ka Sabatha, feela ba feta hará nako ea bolutu bo bohloko. Ka nako e tšoanang, haeba re feta hará nako e joalo, batla motho e mong eo u nahanang hore u ka mo tšepa kerekeng (kapa nqé ‘ngoe) ‘me u mo tsebise. Hangata batho ba sitoa ho bona ka ho talima motho feela hore na u feta hará eng. Ho bonolo, bonyane ho batho ba bang, ho ipata kamorá lesira.

Lipotso tsa Puisano:

1. Kereke ea hau e ka ithuta ho ba hlokolosi joang ka lithoko tsa ba bolutung mahareng a lona?
2. “Ha ke bolele ka baka la ho hloka; hobane ke ithutile ho kholoa litabeng life le life tseo ke leng ho tsona” (Ba-Fil. 4:11). Bala moelelo o pharalletseng ho fetisa oa mantsoe a Pauluse mona. Re ka etsa joang hore re a sebelise ho rona? Ka nako e tšoanang, ke hobaneng ha re lokela ho ba hlokolosi tseleng eo re qotsang temana ee ka eona ho motho ea bohlokoeng e le kannete?
3. Sehlopheng, buisanang ka linako tseo le kileng la feta hará bolutu bo tšabehang. U ile oa thusoa ke eng? U ile oa hlokoatsoa ke eng? U ile oa ithuta eng e ka thusang ba bang?